

غير شخصيتك | #خطبة_جمعة | د. حازم شومان

حازم شومان

ان الحمد لله نحمده ونستعين به ونستغديه ونستغفره ونعوذ بالله من شرور شرور انفسنا ومن سيئات اعمالنا. انه من يهده الله فلا مضل له. ومن يضل فلن تجد له هاديا مرشدا - [00:00:00](#)

يا ايها الذين امنوا اتقوا الله حق تقاته. ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة وخلق منها زوجها وبث منهما رجالا كثيرا ونساء - [00:00:30](#)

واتقوا الله الذي تساءلون به والارحام ان الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح لكم اعمالكم. ويغفر لكم ذنوبكم. ومن يطع الله ورسوله - [00:00:50](#)

رسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين وعلى ذريته وال بيته انك حميد مجيد. اما بعد اخواني واحبابي في الله فخطبتنا اليوم عن عبادة. مش كل العبادات اللي في الدين الصلاة والصوم والزكاة - [00:01:10](#)

في عبادة تانية في الدين اسمها عزيمة التغيير. اسمها طلب الترقى في الحال. في الدين والدنيا. انك انت تكافح ان حالك يتغير انك انت تكافح ان امورك تتغير. ماذا بعد رمضان؟ ليه يا جماعة؟ لا نتغير بعد رمضان. ازمة خطيرة جدا. هو كل الناس - [00:01:30](#)

اللي تدخل رمضان هذا الموسم التغيير الموهل. هذا الاتوني التغيير الجبار. هذا المفاعل النووي الامامي اللي المفروض يفجر جواك طاقات هائلة. هو احنا ما بنتغيرش بعد رمضان ليه؟ عارفين ليه؟ لان انت ما عندكش عزيمة التغيير. لان انت لو الف - [00:01:50](#)

رمضان طول ما انت ما عندكش ارادة التغيير. وعزيمة التغيير. ودي اخر رمضان بنية التغيير. ما انتش هتتغير. قال تعالى وان خفتم شقاق بينهما لو انتم خايفين مشكلة تحصل ما بين الزوج والزوجة فابعثوا شف كلمة فابعثوا لي بعث. البعس ده - [00:02:10](#)

اعني كلمة قوية جدا. يقول لك مبعوث الامم المتحدة في الشرق الاوسط. فابعثوا حكما من اهله. والحكم كما يقول المفسرين فيها معنى الحكومة فيها الحكمة وفيها حكما من اهله وحكما من اهلها. اتنين حكما ولهم الكلمة ومن اهله واهلها يعني - [00:02:30](#)

احبوهم. يعني بداية الاية تحسسك ان الموضوع يعني هيخلص هيخلص. ان يريد اصلاحا يوفق له بينهما. بعض المفسرين قال لك مين اللي يريد اصلاحا؟ قال لك الزوجين. الراجل والست اللي بينهم المشكلة. ازاى؟ قال يعني - [00:02:50](#)

لو الواقع اتبعس عشانك. ولو حكما الدنيا جم عشانك. ولو الناس بتحبك وقلبها على مصلحتك. وانت مش عايز تتغير بتتغير. لو هم مش عايزين مشكلتهم تتحل. لو ما عندهم عزيمة تغيير الواقع اللي هم فيه. والواقع كله اتقلب عشانه - [00:03:10](#)

مش هيتغيروا. عرفتم ليه ما بنتغيرش بعد رمضان؟ لان القضية قضية انت عندك قبول للتغيير ولا لا؟ انت عندك استعداد للتغيير ولا لا؟ رمضان اسبت انك تقدر انك تعمل حاجات لم تكن تتخيل انك انت تعملها. امال انت ما بتستمرش ليه؟ لان انت كانت نيتك فيها عبادة. كانت نيتك انما نية التغيير - [00:03:30](#)

هذه نية عزيزة لا يؤتها اي لا يؤتها اي احد امبارح نازلين جولة على المقهى قاعدين نتكلم مع شباب شباب زي الورد وقاعدين نتكلم معهم في الاخر واحد بيقول انا عندي مشكلة. ايه المشكلة بتاعتك؟ انا محبط. قلت له محبط من ايه؟ قال لي محبط دراسيا. ومحبط سياسيا. ومحبط مش عارف ايه. والشباب محبط - [00:03:50](#)

من كل حاجة. بعد ما رحت كده بافكر وهو عم المحبط ده قاعد على القهوة مستني ايه؟ وهو الاحباط بتاعك ورغبتك ان الدنيا تتغير قال لي لما انت تقعد على القهوة ولا هتتحل لما انت تواجه المشكلة بتاعتك؟ المسلم انسان تغيير. المسلم انسان بيتعبد لله ان شخصيته مميزة عن - [00:04:10](#)

شخصية اي حد ثاني. انسان تغييرى قال رسول الله صلى الله عليه وسلم اللهم انى اعوذ بك من العجز والكسل. قال رسول الله صلى الله عليه وسلم احرص على ما ينفعك الحريص فى اللغة البخيل. الشحيح اللي بيطلع الجنيه بتوع الروح. احرص على ما ينفعك خليك فاهم مصلحتك فى الدنيا والاخرة - 00:04:30

خليك شحيح بعمرى. خليك فاهم قيمة الايام اللي ربنا مديها لك. واستعن بالله ولا تعجز. اوعى تقول على حاجة ما تقدرش استعن بالله قال تعالى ان الله لا يغير ما بقوم حتى يغيروا ما بانفسهم من اخطر الحروف القرآنية. حرف حتى هتفضل فى الحالة اللي انت فيها دي - 00:04:50

لغاية لحد ما تدفع تمن التغيير ساعتها ربنا هيفير اللي انت فيه. انما طول ما احنا مش عايزين ندفع تمن التغيير لن يتغير اي شىء مش بتاع امانى. قال تعالى ليس بامانيكم ولا امانى اهل الكتاب. الحياة ما بتمشيىش باحلام اليقظة. الحياة ما بتمشيىش بالاحلام والامانى - 00:05:10

الحياة والعاجز من اتبع نفسه هواها وتمنى على الله الامانى. وقعد عايش فى الاحلام ما فيش اي حاجة حاجة هتتغير ليه؟ ليه تسكت على الذل؟ ليه تسكت على الفقر؟ ليه تسكت على المرض؟ ليه تسكت على الجهل؟ ليه تسكت؟ علماء العقيدة يقولون - 00:05:30 ان القدر يستدل به على المعصائب ولا يستدل به على المعائب. القدر واحد ابنه مات. خلاص هيعمل ايه؟ ولا يستداد على المعابد. ما فيش حاجة اسمها ان انت عندك نقص تقول قضاء وقدر. فر من قدر الله الى قدر الله. كما قال عمر ابن الخطاب لابي عبيدة ابن الجراح ارأيت - 00:05:50

ان رعيته فى الخصيبة الم ارعاها بقدر الله وان راعيتها فى الجذباء الم ارعاها بقدر الله؟ بيقول له انا لو خدت الغنم راعيتها فى الارض مليانة خضرة ما دا قدر ربنا. ولو خدتها فى صحرا موتها طب ده بقدر ربنا. فر من قدر الله الى قدر الله. ما تخليش القضاء والقدر شماعة - 00:06:10

تعلق عليها فشلك. ارضى بقضاء ربنا. يا اخوانا فيه ضابطين مهمين جدا لهذا الكلام الذي اقوله. الضابط الاول ان المرض قدر واسباب الشفاء قدر. فر من قدر الله لقدر الله. يبقى ده قدر ربنا انت مش بتدافع القدر بالعكس انت بتفهم قضية القضاء والقدر. القضية الثانية ان - 00:06:30

ساعات فى مشاكل بتحاول وما بتنفعش. خلاص حاولت ابقى غني وما عرفتش. حاولت ابقى انسان ناجح وما عرفتش. ايه القضية؟ لك سواب الرضا بالقدر لك سواب محاولة الفرار من قدر الله الى قدر الله. محاولة التغيير. محاولة صلاح الحال. محاولة ان حالك يصلح. وما فيش - 00:06:50

حد هيسعى لصلاح الحال وربنا مش هيصح له حاله. لن تحدس اخوانى واحبابى فى الله قضية خطيرة جدا. قضية ان العبادات مش بس صلاة وصوم عبادة عزيمة التغيير. ان يبقى عندك عزيمة حتى يغيروا ما بانفسهم. ويبقى عندك استعداد لدفع تمنها. غير غير حاجات كتير قوي فيك - 00:07:10

حاجات كتير جدا جونا عايزة تتغير. غير شخصيتك. قال رسول الله صلى الله عليه وسلم فى الحديث الذي حسنه الالباني رحمه الله انما العلم بالتعلم والحلم بالتحلم. والفقه بالتفقه. الفقه بالتفقه ما انتاش فاهم. حاول تفهم وهتفهم. والحلم بالتحلم. ما عنديش - 00:07:30

الشخصية دي والاخلاق دي جاهد وربنا يغيرك. والعلم بالتعلم. حاول. انك انت تتغير شخصيتك. غير غير امتك غير الواقع بتاعك اصحاب الكهف حولوا كهف ضلمة خرابة لمنازة تشع الايمان بالكرة الارضية ربنا خلى زكرها فى - 00:07:50

قرآن المسلم ده اكبر شخصية تغييرية فى الحياة كلها. النبي عليه الصلاة والسلام دخل على ترب. ترب مشركين. ترب فيها رفات مشركين حولها للمسجد النبوي الذي يشع الايمان ويأرس اليه الايمان فى الارض كلها. النبي عليه الصلاة والسلام حول ترب المشركين الى - 00:08:10

اعظم بيئة ايمان خرجت مية وعشرين الف قائد تغييرى. غيروا نص الكرة الارضية فى خمسة وعشرين سنة. ولا يزال اثرهم فى

الارض الى الان غير واقع امتك عشان كده علماء اصول علوم القرآن لما بيتكلموا في التفرقة بين القرآن المادي والمدني والمكي فيحاولوا يجيبوا علامات في الفرق بين المكي والمنهج - [00:08:30](#)

من ضمن العلامات يقول لك كل سورة جه فيها كلمة كلا فهي مكية. كل سورة اتقال فيها كلمة كلا لا تطعه واسجد واقترب كلا سيعلمون. كلا سوف يعلمون. قال لك كل كلمة كل سورة قال فيها كلمة كلا. كلا يعني كلا يعني لأ. كلا يعني كلمة الحق في وجه الظالمين - [00:08:50](#)

كلا يعني الجهر بكلمة الحق. يعني ايه؟ يغير الواقع. ما تستقلش باثر الكلمة اللي انت هتقولها. ما تستقلش باثر انك تواجه الظالم وانت مش قادر. كلا لا تطعه واسجد واقترب. غير واقعتك. غير شخصيتك. غير جهلك. يعني ايه غير جهلك؟ العلماء في الحروف - [00:09:10](#)

وطائف اوائل السور الف لام ميم كاف هاء عين ص عين صاد آ صاد نون قاف العلماء تكلموا وقالوا ان آآ يعني الحروف دي معناها ايه؟ فانقسموا على حوالي اربعين قول. من ضمن هذه الاقوال ان الحروف ما لهاش معنى. يعني ايه ما لهاش معنى؟ قال لك الحروف دي لها مقصد - [00:09:30](#)

مقصد تحويل الامة او تنبيه الامة الامة الى قيمة القراءة والكتابة. وقال لك ان ده تهدي حروف من اجل طبعا هو مش ده مش اقوى الاقوال ولكن انا باقوله من باب بس التنبه على الفكرة اللي انا باقولها. وقد قالها علماء ومفسرون غير جهلك. ان هي دي نفس طريقة نور - [00:09:50](#)

تاني الطريقة النورانية اللي هي التهجي دلوقتي انت عايش في جزيرة عربية كلها جهل لا بتقرا ولا بتكتب. المفروض ان الجزيرة دي تتغير. عزيمة التغيير اللي كانت عند النبي عليه الصلاة والسلام عمل بها ايه؟ القرآن ينزل الف لام ميم الف لام ميم راء الف لام ميم صاد كأنه حذ اتعلموا القراية. اتعلموا الكتابة. اول حرف - [00:10:10](#)

في القرآن اقرأ اول اية في القرآن. واخر اية في القرآن نزلت على آآ على احد الاقوال اللي هي اية المداينة اللي هي كلها كلمة الكتابة فليكتب وليملي للذي عليه الحق. فقال العلماء اول القرآن اقرأ واخر القرآن اكتب كأنه توجيه للقراءة والكتابة. ومن اعظم - [00:10:30](#)

مش شواهد ان في اسرى بدر لما كان اتأسر المشركين في بدر فكانوا بيفتدوا انفسهم بالذهب. يعني السيدة زينب بعثت للعاصي ابن الربيع زوجها بعثت عقدة ذهب اللي السيدة خديجة يعني ادته لها يوم زفافها. باعته ذهب. كل واحد باع ذهب يفتدي الاسرى بتوعه بالذهب. طب فيه ناس بقى ما عندهاش ذهب - [00:10:50](#)

النبي عليه الصلاة والسلام يعمل ايه؟ عشان يفديهم قال لهم كل واحد يعلم عشرة القراية والكتابة. من ضمن من تعلموا القراءة والكتابة في هذا الامر. زيد ابن ثابت رضي زائد ابن ثابت اللي كلف من عثمان ابن عفان بعد كده في جمع القرآن. التي لولا هذه الجامعة لافترقت الامة على القرآن افتراقا - [00:11:10](#)

خسارة على الاناجيل. كنت لقيت زي ما عندهم انجيل متى وانجيل لوقا وانجيل حجة شتات والعياذ بالله. زيد ابن ثابت الذي انقذ الله به الامة بعد هذا وكلف بهذا العمل العظيم الجامع العثماني للقرآن زيد ابن سمير كان واحد ما بيعرفش يقرأ ويكتب اصلا الاسلام حوله من واحد امه - [00:11:30](#)

في لا يقرأ ولا يكتب الى انسان. شفت بقى النبي عليه الصلاة والسلام بدل العلم بالذهب. ما هو الذهب؟ لأ. طب اول من ساوى في تاريخ البشرية بين العلم والذهب. ان العلم بقى تمنه تمن الذهب. حد ذهب الارض كلها يعادل - [00:11:50](#)

واحد زي زايد ابن ثابت وانتاج زيد ابن ثابت رضي الله عنه ودوره في هذه الامة وفي نشر الدين العلم يساوي الذهب. الواحد لما بيقرأ فيه جهد السلف في حفز هذا العلم جهد السلف في استكشاف علوم البلاغة واللغة والنحو يعني الواحد بيتخيل كده لو كان فهم قاعدة - [00:12:10](#)

وغوية في في السماء او في يعني نجم من نجوم السماء لبلغه رجال من سلف الامة. لو كان تحقيق حديث في لبلغه رجال من سلف

هذه الامة. لو كان تحرير قاعدة فقهية في نجم من نجوم السماء لبلغه رجال من اهل هذه الامة. كانوا - 00:12:30
ويقاتلم على الحروف. كانوا يقاتلوا عشان تحرير معاني هذا الدين. واحد مذهول بالجهد الجبار والكفاح ادي المهول الذي بذله علماء
هذه الامة من اجل تأصيل وتقعيد علوم هذه الشريعة. سبحان الله العظيم! فعلا يعني نفهم قول الله - 00:12:50
نفر من كل امة منهم طائفة ليتفقهوا نفر. النفير دا لفظ جهادي. الناس دي جاهدت. الناس دي فكت خشب سقف بيتها. وباعته وعاشت
من غير سقف بيت عشان تجيب حديس. عشان تسافر من دولة ودولة تجيب حديس واحد. غير جهلك. ترضى انك تبقى جاهل ليه -

00:13:10

ترضى انك انت في رمضان عدى عليك خمسميت كلمة في المصحف ما انتاش عارف معنى ولا كلمة فيهم. سكت ليه؟ ما فتحتش مرة
تشوف معنى كلمة ليه؟ يا اخوانا عزيمة - 00:13:30

يعني ايه لايف ستايل؟ يعني واحد عنده فكرة انه بيفير الجهل بتاعه. بيفير الحال بتاعه. فكل ما عشان كده غير كل حاجة غلط
تشوفها. قال رسول الله صلى الله عليه وسلم من رأى منكم منكرا فليغيره. من؟ اي حد راجل امرأة - 00:13:40
كبير صغير رأى مجرد ان عينك وقعت عليه وشفت حاجة غلط. منكم اللي عنده انتماء لازم ما يشوفش حاجة غلط ويسكت لهذا
الدين. من رأى من منكرا نكرة صغير كبير المهم انه حرام. فليغيره فاء فورية وقوة في التعامل مع الخطأ. غير - 00:14:00
اي حاجة غلط تشوفها في حياتك. فليغيرك. سيدنا محمد راح زار الغلام اليهودي وهو بيموت. دخل النبي وهو يهودي خرج وهو
صحابي. يقول لا اله الا الله قبل ان يموت. سيدنا آابن مسعود لما راح زار زان المغني وهو في الحفلة بتاعته بيغني. حوله من مغني
مفسد في الارض - 00:14:20

الى طالب علم. الى طالب لعلم السنة ومن اهل العلم. بشر الحافي. كان راجل غني بتاع حفلات. وفتح بيته كأنه ملهى ليلي عامل
بيته نايك كلاب. وواحد من اهل الدين غار على حرمان الله. راح خبط على الباب. عمل له زيارة. ما دخلوش بيته. ارسل له كلمة -

00:14:40

مع الخادمة كلمة واحدة مع الخادمة قلبت حال بشر الحافي وحولته الى رجل يقول فيه الامام احمد لو تزوج بشر لكمل ام ينقصه من
دين الله الا انه لم يتزوج اية من آيات ربنا من سلف هذه الامة بسبب زيارة زيارة حولت مغني لطالب علم زيدان حولت - 00:15:00
بتاع ملاهي ليلية لبشر الحافي. الامام حولت يهودي لصحابي التغيير. عزيمة التغيير. ما تشوفش حاجة تغلط وتسكت. غير اي حاجة.
غير حياتك. غير حياتك. يا اخوانا اوعوا تفتكروا ان التغيير بييجي باسباب الارض بس. واذا لم يكن من الله عوننا - 00:15:20
للفتى فاول ما يجني عليه اجتهاده. لو ربنا مش معك. لو ربنا مش متوليك عشان كده ربنا اتكلم عن اسم الله الولي في سورة الشورى
قبل ما يقول ان اقيموا الدين ولا تتفرقوا فيه. لانك لو موت نفسك انت والامة كلها عشان تغيره وتصلحه دون ان يتولاك الله ان -

00:15:40

كن اهلا لولاية الله لن تغير. ولن يأتي الله بالتغيير على يدك وهذه النقطة سنقف فيها في الخطبة الثانية باذن الله في فقه التغيير.
الخطبة الاولانية عن عزيمة التغيير. وده من اخطر مواضيع التربية الشخصية. ان شخصيتنا عايضة تربية. مش بس التربية القلبية. فيه
حاجة اسمها التربية - 00:16:00

الشخصية. شخصيتك عايضة تتغير. غير شخصيتك. غير قناعاتك. غير قناعتك. اعمل انقلاب على القناعات بتاعتك. كثير من القناعات
اللي انت عايش فيها وهم انت عايش فيه. واحد يقول لك انا لو ما شربتش شاي طب جرب مرة كده. انا لو ما نمتش بالشكل الفلاني -

00:16:20

جرب مرة كده جرب. اعملها مرة. اعملها مرة انك انت ما تنامش لحد الفجر وبتقعد تصلي للفجر. هتفاجأ انك تقدر. زي في العشر
الواخر من رمضان في الحرم. ثلاثة ركعة تراويح وتلتاشر ركعة تهج ما فيش وقت لا تنام ولا تاكل. طب ازاى الواحد قبلها يقول لك
طب ازاى؟ لما جت جت عادي يعني عدت - 00:16:40
ما فيش مشكلة اعملها مرة. اعملها مرة واكسر القناعات اللي انت فيها. النبي عليه الصلاة والسلام فجأة غير نظام نومه. ازاى؟ النبي

عليه الصلاة والسلام بينام بالليل ويصحى طول النهار - 00:17:00

قيلولة عليه الصلاة والسلام. النبي فجأة غير نظام نومه. ليه؟ العشرة الاواخر. ليلة القدر. ليل بقى يصحى طول الليل. عليه الصلاة والسلام. عادي جرب انك تكسر قناعاتك. اللي مش هيقدر يغير اصحابه. ويغير نظام نومه. ويغير عاداته. هو نفسه مش هينفع يتغير.

اللي ما عندوش استعداد انه يدفع - 00:17:10

مع تمن التغيير لن يتغير. غير. غير قلبك. غير قلبك. غير قلبك بكثير من من الناس والملتزمين والملتزمات قلبك ومش لاقى قلبي وقلبي ضايع ومحبط يا عم هو الكلام ده ما بيغيرش الكلام ده مش عبادة اصلا. اوعى تفتكر ان احباطك ده بيقربك من ربنا ملي واحد.

اوعى تفتكر ان - 00:17:30

منز وشك وانت مقفول ومحبط وحزين وانا ضايع وانا مش نافع وانا مش لاقى قلبي اوعى تفتكر ان ده عبادة تتعبد بها الى الله اصلا. انما انت بهزا عاجز تباعد عن الله والعياذ بالله. وتسقط من نظر الله والعياذ بالله. امال ايه؟ العمل الصالح. القرآن قال لك ما

تحبطش. عايز تغير قلبك؟ اشتغل - 00:17:50

من اعجب الايات قول الله سبحانه وتعالى كنتم خير امة اخرجت للناس. بس على شروط ايه هي تأمرون بالمعروف وتنهون عن المنكر وتؤمنون بالله. طب الايمان قبل العمر والنهي لأ ييجي بعد الدعوة الى الله. ليه؟ يا اخوانا ما هو انت تلاقي واحد يقول لك انا ما

اعرفش اشتغل في الدعوة غير لو لقيت قلبي - 00:18:10

لا يا حبيبي اتكلم عن ربنا وانت تلاقي قلبك. انزل اعمل جولة وانت تلاقي قلبك. اشتغل في الدعوة وانت تلاقي قلبك. فييجي الايمان بعد الدعوة الى الله الدعوة بتجيب الايمان. قال تعالى الذين اتيناهم الكتاب اي اهل القرآن يتلو له حق تلاوته. اي يتبعونه - 00:18:30

تعملون به حق العمل. اولئك يؤمنون به. يعني اللي عايز يجيب الايمان يشتغل. يعني ربنا جاب التلاوة قبل الايمان. جاب العمل قبل الايمان. اللي عايز ايمانه يزيد يعمل اعمال صالحة. الفكر المشاعري العجيب اللي عند بعض الملتزمين ده. مش لاقى قلبي. انا عايز

الاقى قلبي عشان اعرف اقوم الليل. الاقى - 00:18:50

قلبي عشان اعرف ادعو الى الله. الاقى قلبي عشان اطلب العلم. يا عم اشتغل وانت تلاقي قلبك. رح اكفل يتيم وانت تلاقي قلبك.

اتكلم عن ربنا وانت تلاقي قلبك قال - 00:19:10

تعالى افلم يسيروا في الارض فتكون لهم قلوب. قال العلماء فاء هنا اللي هي الفاء التعقيبية. ان اللي بعدها مترتب على اللي قبلها اتحرك وانت تلاقي قلبك. قلبك مش هيجي وانت راكن. قال تعالى يا ايها الناس اعبدا ربكم الذي خلقكم والذي - 00:19:20

ان من قبلكم لعلكم تتقون. عايز تلاقي مقام التقوى وتلاقي قلبك مليون تقوى اشتغل. اعبدوا. ده المفروض ان انا التقوى تيجي عشان اعبد. لأ اعبد التقوى تيجي. قال تعالى واذا اخذنا ميثاقكم ورفعنا فوقكم الطورا. خذوا ما اتيناكم بقوة. اي عملوا بالقرآن بقوة -

00:19:40

اي طبقوا احكام الشريعة بقوة. واذكروا ما فيه لعلكم تتقون. عايز قلبك يتغير والتقوى تيجي اشتغل. الشغل العمل الصالح الصالح هو اللي هيجيب. غير قلبك. غير قلبك بالشغل. غير قلبك بطريقة عملية. خليك انسان تغييري. ما تبقاش انسان مولول. ما تبقاش انسان

بتندب وخلص زي الشباب - 00:20:00

الباب اللي على القهوة انا قاعد افكر النهاردة. يعني هو قاعد يقول لك انا محبط والبلد بايظة والتعليم بايظ وقاعد على القهوة بتعمل ايه؟ طب ما تقوم تغير حاجة في حالك - 00:20:20

ما تقوم تسعى لحاجة. انما قعدتك على القهوة دي بقى الشماعة التي يعلق عليها الفشل والعياذ بالله. غير افكك في حياة غير افكك.

القرآن بيقول لك غير افكك في الحياة. قرآن كتاب تغيير يا جماعة. عايزين نفجر الطاقات التغيرية اللي جوة كلام الله - 00:20:30

القرآن والاسلام دين تغييري. دين بيربي شخصية العبد. بيربي عقليتك. بيربي نفسييتك. مش بس بيعلمك صلاة وصوم. بل الصلاة لو انت فهمتهم هم بيغيروا فيك هذه المعاني. غير افكك في الحياة. القرآن بيقول لك اتحرك سافر. لسه البلاد. السفر ده بييجيب افق في

الحياة - 00:20:50

ايه يا جبار؟ ايه افكك ده؟ احنا بنكلم مجموعة من الشباب آآ يعني فواحد يعني قاعد كده قرفان. فواحد بيقول له يا ابني انت صح حلمي لك هنا ايه؟ اقصى حلم لك انك انت تتفوق وتطلع الاول وتتعين في الجامعة. قال له انت عارف لو اتعينت في الجامعة؟ انت بايه؟ ترتيب الجامعة بتاعة - [00:21:10](#)

كم على مستوى دول العالم؟ انت الدولة مية تسعة وثمانين في العالم في ترتيب الجامعات. قال له يا ابني يعني انت يعني حسيت بالكلمة يعني ان ايه؟ ان كده انت بتبقى فرحان بحاجة هي ما لهاش قيمة اصلا. هي لها قيمة لانك انت عايش في واقع فاشل. انما انت لو بصيت للناجحين اللي بجد بتكتشف انها ما لهاش قيمة - [00:21:30](#)

اكتشف ان كل اللي انت فرحان به ده عشان كده القرآن بيفتح لك افكك. ما بيسيبكش جاهل. ما بيسيبكش تايه. ما بيسيبكش يتضحك عليك. ما بيسيبكش استخف من الظالمين. ما بيسيبكش عايش جوة يعني مش عارف اقول. جوة يعني سرداب ولا جوة بلاعة وانت فاكر ان انت - [00:21:50](#)

فعلى وش الدنيا وانت مدفون اصلا. القرآن بيقول لك سافر. كم مرة ربنا قال افلم يسيروا في الارض؟ قل سيروا في الارض. اتحرك وساب وافهم الحياة. القرآن بيقول لك اتعرف على الناس. معرفة الناس كنوز من باب التجارب البشرية. كل واحد عنده خير بيضيف لك - [00:22:10](#)

خير لما بتتقابل معه وجعلناكم شعوبا وقبائل لتعارفوا. تعرف على ناس من دول تانية. تعرف على ناس من بلاد تانية وسع افكك الاسلام الاسلام بيقول لك طور امكانياتك. نم مواهيك. قال رسول الله صلى الله عليه وسلم المؤمن القوي خير واحب الى الله خير غير احب. احب - [00:22:30](#)

ربنا بيحبه. انما خير فيه خير للدين. انفع لدين الله من غيره. المؤمن القوي خير واحب الى الله ان المؤمن الضعيف قوي بدنيا. قوي نفسيا قوية علميا قوية ماليا. قوي من سائر انواع القوة التي تحصل اسبابها خير واحب. يعني ربنا بيقول لك انت - [00:22:50](#) هتبقى انفع واحب الي لو انت اخزت باسباب القوة. لو انت ما فضلتش ساكت على اللي انت فيه ده. يا اخوانا الذي يريد التغيير له مقام عظيم عند الله. الشاب المدمن اللي عايز يروح اه اه مركز علاج ادمان يعالج الادمان بتاعه. ده مجاهد في سبيل الله. ده لو مات وهو - [00:23:10](#)

عالج ده مجاهد في سبيل الله. اللي عايز ينجح. اللي عايز يراي اللي عايز يدفع مرض عن نفسه. في سبيل الله ده لو مات مجاهد في سبيل الله. ده لو - [00:23:30](#)

يبقى في سبيل الله. الانسان اللي بيرفع عن نفسه الفشل. الانسان اللي عايز ينجح. عشان كده مقام طالب التغيير عند ربنا مقام عظيم جدا. النبي عليه الصلاة والسلام وعلى المنبر جا له واحد صحيح مسلم فقال يا رسول الله في وسط خطبة الجمعة. فقال يا رسول الله جاهل لا يدري امر دينه. جاء ليتعلم - [00:23:40](#)

رضيني. يا رسول الله انا جاهل. عايز اغير الجهل اللي عندي. جاي عشان اتغير. النبي ساب خطبة الجمعة ونزل له. وجاب كرسي وقعد له اداله درس فعلم لوحده ورجع كمل خطبة الجمعة. مقام طالب التغيير ده مقام عظيم. الانسان اللي عايز يغير حاله ده. مقامه عند الله بس بيسعى ويبتحرك - [00:24:00](#)

مش اتبع نفسه هواها وتمنى على الله الاماني. ليس الحياة مش بالاماني. عشان كده غير حالك. الانسان كان اللي عايز يغير حاله. قال تعالى من الايات العظيمة يعني العمدة في هذا الموضوع. قال تعالى ولا تتمنوا ما فضل الله به بعضكم على بعض - [00:24:20](#)

اوعوا اوعوا تعيشوا حياتكم امانى. شف واحد ناجح اه نفسي ابقى ناجح زيه. تشوف واحد مش عارف عمل اه نفسي ابقى عندي علم في التفسير زيه. تشوف واحد بيجري عار ولا تتمنوا. ما فضل الله به بعضكم على بعض. ما تقضيش حياتك امانى. زي - [00:24:40](#) ليس بامانيكم كده زي واتمنى على الله الاماني. امال الحل ايه؟ عايز تغير حالك؟ عايز تترقى وتتطور؟ اه. واحد للرجال نصيب مما اكتسب وللنساء نصيب مما اكتسبن. قال السعدي رحمه الله اكتسبوا على وزن افتعلوا. اي اذا اردت ان تغير حالك فليس الطريق هو الامان - [00:25:00](#)

وانما الطريق والافتعال. الطريق هو المجاهدة. الطريق هو انك انت تتعب من من اجل انك تتغير. للرجال نصيب مما اكتسبوا وللنساء نصيبهم ما اكتسبت. ساعات تلاقي اربعة اخوات. ثلاث اولاد وبنت. ثلاث اولاد طلعا في الاخر ولا عاملين اي حاجة في الحياة. فاشل في كل حاجة - [00:25:20](#)

انت طلعت وخذت درجات علمية وللنساء نصيب مما اكتسبن. اشتغل عشان تتغير. واسألوا الله من فضله. يبقى الاية قالت لك ما تقضيش حياتك امانى. احلام اليقظة مش هتغير لك حاجة. هتغمض عينك وتفتحها تلاقي نفسك لسه في المكان اللي انت فيه. فوق فوق وادفع تمن - [00:25:40](#)

تغيير طب الحل ايه يا رب؟ واحد اكتسبه اتعب قوم اشتغل اتنين اشتغلت اه ارفع ايدك بقى وقل يا رب واسألوا الله من فضله بس بعد ما بس بعد ما بزلت ارفع ايدك وقل يا رب صلح لي حالى. يا رب غير لي حالى. يا رب اشف لي مرضي. يا رب يا رب وفقني. يا رب - [00:26:00](#)

انا عايز ابقى بني ادم. انا عايز ابقى ناجح. انا عايز حالى ينصلح. ارفع ايدك وقل واطلب من ربنا. واسألوا الله من فضله تبقى غير حالك. غير الحال اللي انت فيه. طالب التغيير مقامه عالي اوي عند ربنا. سبحانه وتعالى. زي ما قلت لكم النبي سابق خطبة الجمعة وانزل له. الراجل اللي - [00:26:20](#)

في الطريق شاف غصن شوك شاله. النبي عليه الصلاة والسلام قال ايه؟ دخل الجنة. دخل الجنة عشان ايه؟ عشان غير غصن شوك في شارع. عشان التغيير عند الراجل ده لايف - [00:26:40](#)

طيب عشان الراجل ده عنده آآ آآ يعني ايه بقى التغيير سلوك. بقى التغيير من عنده عزيمة تغيير. طب ده اللي غير غصن الشوك في شارع اومال اللي غير حاجة في الامة بقى؟ ده يبقى عند ربنا ايه؟ وده بقيمته عند الله سبحانه وتعالى ايه؟ عشان كده يعني في المثل لما الكلب راح للاسد قال له - [00:26:50](#)

فانا عايز اغير اسمي ليه؟ اسمي وحش والناس بتشتتم بعض باسمي. لما يحتقروا بعض. قال له طيب خد حطة اللحمه ديت. عينها لي عندك اسبوع. ولو عرفت تعينها لي عندك اسبوع اغير اسمك - [00:27:10](#)

الكلب اول يوم جاع لا يمكن اقرب منها. انا لازم اتغير. تاني يوم هيموت من الجوع لحمه مين؟ انا لازم اغير اسمي وما عدش حد يزلني ارضى بالزلزله ليه؟ واسكت على الزل الذي انا فيه. مش هاستسلم. تالت يوم هيموت من الجوع. ناهش حطة اللحمه وقال وما له اسم الكلب؟ انه - [00:27:20](#)

اسم جميل مش عايز يدفع تمن التغيير. عشان كده اصحاب الكهف لما كافحوا في هذا الواقع الرهيب لحد ما نجحوا اللي حكى قصة نجاحهم هو الله. نحن نقص عليك نبأهم بالحق. ربنا اللي بيحكى قصتك للناس. مش شيخ طلع عمل حلقة عنك يخلد فيها انجازات - [00:27:40](#)

ربنا اللي بيحكى قصة نجاحك. النبي عليه الصلاة والسلام طفل يتيم فقير عليه الصلاة والسلام. بياكل في طبق مع عشر اطفال فقير بيكفل من بيت بيكفله البيت بيكفله عليه الصلاة والسلام. يعني وضعه صعب جدا. الوضع الاجتماعي بتاع النبي عليه الصلاة والسلام - [00:28:00](#)

في المجتمع اللي احنا فيه انه هيشوف له صنعة هيطلع صنايعي. يعني اخر الوضع الاجتماعي بالنسبة لطفل في الزروف الاجتماعية بتاعة النبي عليه الصلاة والسلام. في الواقع بتاع انا دلوقتي هيطلع ايه يعني؟ هيعمل ايه؟ هو مين اللي هيصرف على تعليمه ولا مين اللي هيصرف عليه ولا مين اللي هيهتم انه يوجهه في الحياة ويدي له خبرات؟ وهو - [00:28:20](#)

عنده خمسة وعشرين سنة كان رئيس مجلس ادارة مؤسسة تجارية. وعنده خمسة وعشرين سنة كان الذراع اليمين لسيدة اعمال مكة السيدة خديجة خمسة وعشرين سنة ديت يعني شباب مرمي على القهاوي. قاعد يشتم في الواقع ويقول لك انا محبط وما بيعملش حاجة. النبي وهو عنده خمسة وعشرين سنة كان بقى له كيان - [00:28:40](#)

لدرجة انه لما دخل حزب الفضول دخلوه كان بقى له كيان واثار تغيير في الواقع. هم دول اللي ربنا بيختارهم. هم دول اللي ربنا

بيصطفهم امناء على دينه الناس اللي عندها عزيمة التغيير. وعندها فقه التغيير. عشان كده اليهود لما جم قالوا ابعت لنا ملكا نقاتل في سبيل الله. عايزين نتغير. عايزين نغير - 00:29:00

شف يعني وهم مليونين خلل. ربنا بعت لهم ملك طالوت. وبعث لهم بقية الطواة تحمله الملائكة. الملائكة هي اللي شايلاه. كل ليه ؟ وابعت لهم نبي جديد داوود وبعث لهم كتاب جديد. الزبور ورجع لهم ارضهم. كل ده عشان ايه ؟ قالوا عايزين نتغير وخذوا خطوة - 00:29:20

الانسان اللي عايز يتغير مقامه عند الله مقام عظيم. الانسان اللي بيطلب صلاح حاله مقامه عند الله سبحانه وتعالى مقام كبير. غير مقامك عند الله سبحانه وتعالى. يعني في الحديث الصحيح ان قوما زنوا فاكثروا وسرقوا فاكثروا. يعني بقى بلطجية وقتالين - 00:29:40

انت لو عملوا كل المصايب اللي في الدنيا فجاؤوا الى النبي صلى الله عليه وسلم. فقالوا انما تدعون اليه لحسن. اللي انت بتقوله ده كلام جميل قوي. لو ان لنا - 00:30:00

خش مما فعلنا. لو احنا بس في حاجة اتخرجنا من المصايب اللي ورطنا نفسنا فيها ديت. فنزل قول الله والذين لا يدعون مع الله الها اخر ولا يقتلون ولا يزنون الا من تاب وامن فاولئك يبدل الله سيئاتهم حسنات. الشاهد ده يا جماعة الشاهد ان الايات دي في سورة ايه ؟ سورة ايه ؟ فرقان - 00:30:10

في وسط ايات ميين ؟ عباد الرحمن اللي ربنا قال عليهم اولئك يؤذون الغرفة. اعلى الفردوس الاعلى الفردوس الاعلى دي درجات جبارة جبارة كما قال النبي صلى الله عليه وسلم ان اهل عليين ليتراءون من فوقهم كما ترون النجم في السماء عليين. عليين - 00:30:30

فالصحابة بيقلوا له الانبياء يا رسول الله. قال بلى قوم امنوا بالله وصدقوا رسله. او كما قال النبي صلى الله عليه وسلم. النبي يقول لهم عليين عليين دي انا ما فيش حاجة فوقها بقى. يقول لهم يبصوا للمقامات اللي فوقهم زي ما انتم بتبصوا للنجم. هو بعد عليين لسه في حاجة فردوس الاعلى دي بقى مات على مقامات يا جماعة. درجات - 00:30:50

بركات. فدخل واخدين اعلى الفردوس الاعلى. اولئك يزون الغرفة. العجيب ان الناس دي عايضة تتغير. ناس قتالين قتلى زانوا فاكثروا فاكثروا ناس يعني عملت كل المصايب. بس عايز يتغير. بس عايز ربنا يصلح له حاله. ما هوش بني ادم. وعاييز ربنا يخليه بني ادم - 00:31:10

ربنا يحط الاية بتاعته فين ؟ كان ممكن في اي صورة في وسط عباد الرحمن. يعني انت لسة قدامك فرصة تلحق القمة. طول ما انت لسة فيك نفس قدامك فرصة طالما انت عايز تتغير. غير مقامك عند الله. غير نفسك لله. قال الله تعالى ونحن نسبح بحمدك - 00:31:30

نقدس لك نقدر يعني بنغير. يعني بنزكي نفسنا. يعني بنزكي نفسنا لك يا رب. انت تستاهل تبقى عبد. انت مش غاير. ان اللي زيي زيك يبقى عبد لله. يعني يعني الله يستحق من هو احسن منا مليار مليار مرة. قدس نفسك لله. غير نفسك لله - 00:31:50

عشان تستاهل انك انت تبقى عبد زي اللي آآ الشاب الياباني اللي لما راح آآ عشان ياخذ دكتوراه من آآ من ايطاليا. قصة مشهورة جدا دكتور محمد اسماعيل مش فاكر اوسه حيرة ولا اسمه ايه فقعد لبس العفريته الزرقا وساب الدراسات وقعد يفك الموتور وقعد - 00:32:10

سنين ويقول لك وامبراطور اليابان سمع عنه وان هو بيكافح من اجل نهضة بلده فطلب انه يشوفه ولا انا ما استاهلش ان انا اشوف الامبراطور بتاع اليابان الوقتي لما اصنع موتور ميدان انا ساعتها استاهل ان انا اشوفه. شوفوا اهل الدنيا مع اهل الدنيا. يقول لك انا ما استاهلش ابقى يعني من رعايا هذا - 00:32:30

الدور العظيم الا لما اعمل حاجة الاول لليابان. ولما عمل الموتور راح قبله. يعني القضية انت بقى تستاهل انك تبقى عبد. انت غير ان اللي زينا يبقى بالمنزر ده ان اللي زينا يبقى اسمه الملتزمين. غير ان اللي زينا يبقى زنوب اللي شغالين في الدعوة الى الله. غيب -

تقدس لك بنطور دايمنا نفسنا عشان ننفع عبيد لك يا رب. غير. غير نفسك عشان الدين وعشان الدعوة. الدعوة محتاجة ناس مبنية الدعوة مش محتاجة ناس فارغة. اديني الوقتي صراع الايديولوجيات وصراع العقائد. والكل يبتكر وسائل جبارة من اجل نصره الباطل بتاعه - 00:33:10

مش هينفع يبقوا هم محترفين واحنا شوية بنقول ربنا هينصر الدين. اشتغل. طور نفسك. عشان كده قال تعالى في اخر سورة الطور فذرهم حتى يلاقوا يومهم الذي فيه يصعقون. قال بعض المفسرين هذا اليوم هو يوم السرايا. لما بدأ الصحابة ينزلوا في سرايا. يعني ايه - 00:33:30

ايه اللي صعق اهل الباطل؟ رغم ان زهر الاية ان ده يوم القيامة هيتصعق لما يشوفوا جهنم والعقوبة. بعض المخزنين قالوا لا ده يوم السرايا. لما الصحابة ينزلوا في مش لما النبي ينزل في الجهاد لما الصحابة هينزلوا في السرايا. ليه؟ لانهم اتغيروا وبقوا رجالة وبقوا هم اللي شايلين الدين - 00:33:50

اصل الصبايا معناها ايه؟ ان لو النبي مات خلاص بقى فيه رجالة تكمل. ان بقى فيه ناس مستعدية تضحي بحياتها عشان الاسلام. فهذا صعة للباطن. يعني انت لما بتتبنى - 00:34:10

وبتبقى راجل وبتتبنى فعلا علميا وتفهم دين ربنا ساعتها اهل الباطل يصعقوا من اللي زيك هو دي الصاعقة الحقيقية اهل الباطل التربية البناء الحقيقي غير غير بيتك. لو انت اي راجل تاني ماشي في الشارع مكانك في بيتك. كان هتفرق مع مراتك حاجة؟ انت - 00:34:20

مع مراتك وولادك ايه؟ لو انت مت دين مراتك وولادك هيتأسر بايه؟ غير بيتك صلح بيتك اقعد معهم فهمهم بينهم. غير علاقتك شف انت راضي بالعلاقة اللي بينك وبين كتاب ربنا. اقرأ القرآن قراية صح. تغير علاقتك به. كافح. كافح عشان تتغير. التغير - 00:34:40
او عزيمة التغير عباد من اعظم العبادات. مش بس العبادة في الدين هي الصلاة والصوم. مش بس العبادة في الدين. هي الذكر. في عبادة وهي ذكر لله سبحانه وتعالى اسمها عزيمة التغير. طلب الترقى. طلاق زي ما اهل الباطل للاسف هم بيعملوا في المانيا واليابان بعد القنبلة الزرية قتله عشان يتغيروا - 00:35:00

فضله عشان يدبلوا مفروض المسلم هو اعظم شخصية تغييرية في الحياة. هذا عن عزيمة التغير. والخطبة الثانية باذن الله الروشتة بقى اتغير ازاى؟ اقول قولي هذا واستغفر الله لي ولكم. الحمد لله وكفى وصلاة وسلاما على عباده الذين اصطفى. اللهم لك الحمد كله ولك - 00:35:20

الملك كله وبيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد فك التغير بقى ازاى تتغير؟ اول حاجة في الروشتة انك انت تقبل التدرج في التغير. يعني ايه؟ يعني ما فيش حاجة عصاية سحرية بتغير الانسان - 00:35:40

لازم يبقى نفسك طويل عشان تتغير. يعني من اسباب عدم التغير في رمضان ان اللي عبد ربنا في رمضان بيخرج متهايا له ان رمضان هيفير كل حاجة في حياته فيجي مستني ان كل حاجة تتغير يقوم يحبط يقوم خلاص يبأس ان هو يتغير. ما فيش حاجة هتخلص لك موضوع التغير. ده ده رحلة عمر. لسه فيه - 00:36:00

موضوعات كثيرة ربنا احيالك. لسة فيه عشر زي الحجة ولسه فيه لسه فيه مش اخر عمرة هتعملها في حياتك. مش اخر اعتكاف. مش اخر وقفة تقفها مع نفسك من اسباب عدم التغير الرغبة في الدراماتيك تشينج التغير الدرامي التغير المفاجئ قال لها لا ما فيش الكلام ده - 00:36:20

انت كل يوم بتحط طوبة في بناء التغير بتاعك. عشان كده من حكم النسخ في القرآن والسنة التي تكلم فيها العلماء. من حكم النسخ فهم حكمة التغير ازاى؟ يعني فيه اية في القرآن والذين يتوفون منكم عدة اللي جوزها مات. اللي جوزها مات لها عدة بتقعد في البيت وآآ يعني ما - 00:36:40

وشي ويعني احكام العدة بقى لها عدة. فربنا يقول والذين يتوفون منكم ويذرون ازواجه يتربصن بانفسهن يتربصن بانفسهن دي يعني ايه يعني كلمة زات عمق بلاغي عظيم يتربصن بانفسهن اربعة اشهر وعشرة. اربع شهور وعشر تيام. اية تانية في الصفحة اللي بعدها - [00:37:00](#)

الذين يتوفون منكم ويذرون ازواجا وصية لازواجهم متاعا الى الحول غير اخراج. سنة كاملة ما حدش خرجها من بيت جوزها. هو الايتين ورا في صفحتين ورا بعض. يعني هو العدة بتاعة اللي جوزها مات اربع شهور وعشر تيام ولا العدة بتاعة اللي جوزها مات سنة كاملة - [00:37:20](#)

هي العدة ايه؟ فقال العلماء والمفسرون والصحابة ان الاية التانية منسوخة. الاية اللي مكتوبة في الاخر. اللي هي متاعا الى الحول غير اخواش. قال لك الاية ديت كانت في الاول بس. ان ربنا قال العدة سنة كاملة متاعا الى الحول غير اخراج. والاية اللي عليها الحكم الشرعي اللي هي الاية الناسخة - [00:37:40](#)

اللي هي اربعة اشهر وعشرة. قال لك طب ليه بقى؟ الحكمة هنا ايه؟ وربنا اسبت الاية التانية واتسبت في القرآن ولم تنسخ تلاوة ليه؟ وفضلت موجودة ليه لان في الجزيرة العربية في العرب العرب كان عندهم انتم عارفين نشفان الدماغ بتاع الجاهليين يعني ممكن يقتل ويزني ويعمل ويبجي في حنة يقول لك - [00:38:00](#)

المبادئ وعلى رقبتي ولا يمكن فعدة اللي مات جوزها كانوا يجيبوا الست يحطوها في بيت ضيق قزر خرابة بيت كده زي الخرابة كده ضيق تفضل محطوطة في سنة ليه؟ جوزك مات. وممنوع تخرجي وممنوع تفضلي قاعدة سنة كده في المكان دوت - [00:38:20](#) ولابسة يعني اقذر واسوأ لبس عندك. وتفضلي قاعدة سنة. وبعد السنة ما تعدي في الحبس الانفرادي الموحش الفظيع اللي تخرج يجيبوا لها طير او يجيبوا لها حمار. وتقوم تفتض به. تقعد تمسح جلدھا في جلد الایه؟ الحمار ده. آآ تفضل تفتض به. ثم - [00:38:40](#)

تمسك ببكرة تمسك بكرة آآ يعني روث بهائم كده ولا حاجة فتقذفھا. كما قال النبي وان كانت احداكن لتقذف لترمي البكرة على رأس الحول تنسيتوا الاسلام عمل لكم ايه؟ لما واحدة جاية للنبي عايزة بنتھا تتكحل في العدة بتاعتھا. قال لها وان كانت احداكن ترمي بالبكرة - [00:39:00](#)

على رأس الحول انتم نسيتوا الاسلام عمل لكم ايه؟ كمان عايزين في احكام الاسلام تكلمهم وتلعبوا فيها فكان ده حكم الجاهلية. فالاسلام ده كزلم للمرأة وده كبت وده كلام مش حقيقي هو واحد مات الدنيا تموت! يعني ليس هذا هو التعبير عن الحزن وليس هذا هو الصدق في المشاعر اصلا. وانما ده - [00:39:20](#)

تكلف رهيب. فالاسلام لو جه يقول لهم فجأة اربع شهور وعشر تيام هتبقى يعني هو ده الدين وهو ده الاخلاق وده اللي انتم جايين لنا فنزل حكم تدريجي الاول. اللي هو متاعا الى الحول غير اخراجه. ان انت قدامك انك تعتدي في البيت بتاع جوزك. لو انت عايزة تعتدي في بيت جوزك - [00:39:40](#)

ما حدش يخرجھا يا جماعة. لو هي مش عايزة تخرج وتقعد ما حدش يعني مش قهرا والزاما زي قبل كده في الجالية. ما حدش يخرجھا لو هي مش عايزة تخرج. فلما استقرت - [00:40:00](#)

الحكم شوية اتنقلت بقى للحكم الطبيعى الحكيم من الله سبحانه وتعالى وهو ايه؟ اربعة اشهر وعشر. التدرج. يعني ربنا غير اولئك الجاهليين بالتدرج. ربنا غير هذه الامة الامية بالتدرج زي الصيام. الاول في يوم في السنة واحد فرض اللي هو ايه؟ عاشوراء. يوم واحد. بعد كده - [00:40:10](#)

رمضان كله فريضة. بس اه اه وعلى الذين يطبقونه فدية طعام مسكين. اللي مش قادر حتى لو شاب وقوي وكل حاجة عايز تصوم ولا مش عايز لا مش عايز اصوم. خلاص اكل واحد. اطعم مسكين وخلاص. بس كده بس. وبعد كده المرحلة الثالثة بقى لا فمن شهد منكم الشهر فليصم. خلصت التدرج - [00:40:30](#)

يبقى انت عايز تتغير اتعلم من حكمة ربنا في تغيير الواقع. تدرج اقبل انك انت الحياة مش انقلاب فجائي. الحاجة التانية آآ ادفع تمن

التغيير. يعني ايه ادفع تمن التغيير؟ المؤمن القوي خير واحب الى الله. من المؤمن ضعف. حصل اسباب القوة. خليك بلاش ضغط

الواقع - 00:40:50

اللي احنا عايشين فيه بمفاهيمه العجيبة التي لا علاقة لها بدنيا ولا بدين. بلاش ضغط الواقع ياسرك عشان كده ليه الشريعة بتطلب انك انت تاجر لان التاجر قوي. التاجر يقدر يغير في الواقع. دلوقتي الشاب للأسف الشديد يدخل سانوي هياخد دروس. زاهر. هجيب

لك يا بنتي صنية الاكل لحد عندك - 00:41:10

بعد كده يدخل الجامعة يفضل واقف في ساحة الجامعة يبص على دي ويكلم دي وهاي وهاي وجاي ومش اي بنطلون يلبسه مش اي مصيف يصيف فيه وينزل يرجع يسهر على الفيس الواد بقى الروش طاحن التنين الكل اخر حاجة الواد الشخصية الزريف اللطيف

اللي فاهم في كل حاجة واللي بيتكلم - 00:41:30

في كل حاجة فاكر نفسه يا ما هنا ما هناك. يتخرج من الكلية. بعد هذه الحياة الفارغة التي عاشها. ما فيهاش حاجة غير انجاز واحد

بس ان هو خد شهادة. ما تستاهلش شبابه ده كله - 00:41:50

دي كان ممكن ثلاثين اربعين في المية من طاقته او خمسين في المية من طاقته. وباقي الطاقة يعمل فيها حاجة نافعة له. يتخرج.

عايز يتجوز الباشا بقى. الشاب الدلوع ده عايز - 00:42:00

اتجوز شوف بنت جميلة اه انا يعني انا خلاص انا قررت ان انا اتقدم بقى وادعوا لي يا شباب انا رايح اكلم ابويا النهاردة ويروح لابوها ابوه يحطه على كرسي الاعتراف. هتسكن بنتي فين؟ انا انت بتشتري راجل يا عمي. طب انت هتأكلها ايه؟ انا انت بتشتري راجل.

طب انت - 00:42:10

عندك شقة؟ شقة؟ انت بتشتري راجل. طب آآ طب انت يا ابني؟ طب انت يعني طب انت ايه؟ طب انت شغال فين؟ طب انت بتعمل

ايه؟ طب - 00:42:30

وانت مستقبلك ايه طيب طب شيل راجل يخرج ياخذ دواء نفسي ويروح يقعد على القهوة من سن اثنين وعشرين سنة لسن ثلاثين سنة يشتم في الواقع ويقول انا محبط ومستني خبطة عمري تيجي عشان تنقله ويبقى باشا. ايه ده! ايه اللي خالك توصل؟ لو كان

اشتغل من وهو في سانوي ابن رؤساء - 00:42:40

الولايات المتحدة الامريكية بيقفوا في بنزينة يملوا بنزين في الاجازات بتاعتهم. عشان يجيبوا مصاريف التعليم بتاعتهم. لو كان اشتغل كان قبل ما يتخرج اتجوز وكان بقى بني ادم وكان اتعلم خبرة الحياة. ما طلعتش في الاخر ما هوش عارف حاجة. للأسف

الشديد مش عايزين نقبل كلمة اكتسبه واكتسبنا. عايزين ولا - 00:43:00

عايزين تتمنوا عايزين نعيشها امان في الاخر مين اللي قال ان ده الدين؟ من الذي قال سيدنا ايوب عليه السلام؟ تمتناش سنة مبتلى الدنيا كلها هربت منه خافت من المرض اللي عنده وتأتي لحظة الشفاء. الواحد كان يتوقع ان الشفاء ده السما تتفتح والملايكة تنزل

وتست من ذهب الجنة بماء من انهار - 00:43:20

جنة ويغتسل داوود في ايوب فيشفى. واحنا نقعد نقرا الايات ونعيط. كان المتوقع ان سورة شفاء داوود ايوب كانت تبقى صورة ومية تلاقي ارقد برجلك. يا رب ده انا مراتي مسنداني ادخل الخلاء. ارقد ارقد برجلك. هذا مغتسل بارد وشراب. استحمى واشرب -

00:43:40

يعني زي الهم وضع وحباية كده عند لزوم. ايه ده! يا رب هو بعد تمتناش سنة صبر. اروع بالاسباب بالمنزل اللي اي حد بيروح به ده! اه ايوب ربنا يمطر عليه السما دهب امطرت عليه السماء جرادا من ذهب واتيانه اهله ومثلهم معهم. طب يا رب لما انت قادر على

المعجزات - 00:44:00

عليه السما دهب. طب ما كان يشفى بدون اسباب بقى من باب اولي لا. ليتعلم الملتزمون ان هناك فارق بين الربانية وبين الدروشة فيه فرق ربنا قادر يبطل السما دهب بس انت لازم تسعى. ساعات الله سبحانه وتعالى سيفعل لك ما لم تكن تتخيله - 00:44:20

مين اللي قال سيدنا يوسف قال اجعلني على خزائن الارض ليه؟ اني متدين مؤمن صوام قوام اني حفيظ علي. ما انا دارس العلوم

دي ودارس اقتصاد. يعني انت السنين دي - 00:44:40

يوسف مش كنت بتصلي وتصوم بس؟ لا كنت بدرس اقتصاد. وكنت بدرس شريعة التوراة كمان. عشان كده لما جا له اخواته كان عارف ازاى ياخذ اخوه وايه الحكم اللي في شريعة التوراة ياخذ بها اخوه اللي له حكم ان اللي يسرق فهو له. يعني خلاص يبقى ملك للي سرقه وكان بيدرس - 00:44:50

من في الامور الزراعية لما اول لهم الرؤية اول لهم ازاى يخزنوا القمح سبع سنين من غير ما يفسد؟ يعني كان بيدرس وكان بيزاكر وكان بيتعلم وكان بيتعلم دين وكان بيتعلم دنيا شخصية جبارة. شخصية جبارة اسرت في تاريخ المنطقة كلها. انبياء شخصيات الانبياء. مش بس كانت شخصيات عابدة. شخصيات تغييرية - 00:45:10

حقيقية عشان كده من اعجب الايات ربنا وهو في الحج بيقول وتزودوا. يا رب ده انا جاي لك ده اخر رحلة في الدنيا فكر فيها في زاد. ده انا جاي عشانك انت - 00:45:30

وانت جاي عشاني تسودوا خذ بالاسباب فهذه هي الدواء الساني ادفع تمن التغيير. ادفع تمن الدخير. ابن عباس لما رحل في طلب العلم جه الصحابي الثاني ما رضاش يرحل ندم لما شاف ابن عباس وصل لايه؟ ادفع تمن التغيير. ادفع ان لازم تتعب عشان توصل. النقطة الثالثة وهي - 00:45:40

اياك ان تتركن على اسباب الارض وحدها دون اسباب السماء. مش بس الجهد هو اللي بيغير. الدعاء بيغير. الاستغفار بيغير. الاستغفار في الحرم جاء اخ سعودي شاب سعودي شغال في الحرم من اللي هم اللي بيشتغلوا في الحرم ينزمو الحرم وينزمو الصلاة فجها قاعد جنبى كده - 00:46:00

انا عايز احكي لك حاجة بيقول لي انا قرأت عن سمار الاستغفار في آ كتاب لابن القيم بيقول لي فتأسرت جدا جدا باللهجة السعودية بتاعتهم يعني. بيقول لي اتأسرت جدا. بيقول لي قعدت في الحرم اسبوعين. لا يكل لساني عن الاستغفار لحزة. بيقول لي قاعد استغفر ليل نهار - 00:46:20

بيقول لم يكن يقطعني عن الاستغفار الا النوم. استيقظ افضل استغفر. فبيقول لي قاعد بعد اسبوعين مكاني كده. فلقيت واحد جنبى كده فبيقول لي بقول لك ايه فبيقول له نعم؟ قال له انا عندي يعني مجموعة فنادق حوالين الحرم. ولكن عايز مدير يدير لي الفنادق بتاعتي ويدير لي الشغل بتاعي. ممكن - 00:46:40

ممكن تشتغل مدير للفنادق بتاعتي وطبعا بمرتب كبير يعني ممكن تشتغل مدير الفني فبيقول لي وبعد كده لقيته بيقول لي هو انت متجوز؟ فهو الشاب ده لسه ما اتجوزش يعني ايه؟ يعني خاطب بس لسه ما اتجوزش. فقال له لو عايز اجوزك بنتي انا مستعدة ان انا ازوجك بنتي. فالشاب بيقول لي الاخ بيقول لي فانا قلت له انا شغال في - 00:47:00

ما اقدرش اسيب صلاة ايه؟ الشغل في الحرم. قال له خلاص انا مش عايزك غير لحد العصر. عصر ومغرب وعشاء وفجر رح صل في الحرم. انا مش عايزك غير ايه؟ غير الفترة الصباحية بس - 00:47:20

تقبل تخيل يعني قصة سيدنا موسى في سورة القصص يا جماعة كل حاجة في مكانه اللي هو فيه. قال رسول الله صلى الله عليه وسلم الحديث الذي حسنه الشيخ احمد شاكِر - 00:47:30

الامام احمد من لزم الاستغفار جعل الله له من كل هم فرجا. ومن كل ضيق مخرجا. ورزقه من حيث لا يحتسب. اياك ان الاسباب السماء. اخواني واحبابي في الله بعد كل ده. لو انت حاولت تتغير وما تغيرتش قدر ربنا. ارضى بقدر ربنا. ارضى ولكن يكفيك شر - 00:47:40

امام الله انك حاولت وانك ما استكنتش وانك انت ما استسلمتش للفشل ولا للذل ولا للمشاكل بتاعة الواقع. ساعتها نحن نرضى قدر الله من قبل ومن بعد ولكن طول ما انت ما بتتعبش لله بقوله حتى يغيروا ما بانفسهم فلا تنتظر ان ينصلح الحال ولا تنتظر ان - 00:48:00

غير الزروف لازم حاجة اسمها التربية الشخصية. حاجة اسمها شخصيتنا تتغير. حاجة اسمها عزيمة التغيير. ان احنا نبقى عندنا

00:48:20 - الواقع

التغيير ومن يحاول الترقى وهؤلاء يختارهم الله ويصطفيهم الله سبحانه وتعالى وايقن ان الله لن يضيع ابدا - [00:48:40](#)

حَالِنَا لِحَسَنِ حَالٍ.. اللَّهُمَّ غَيِّرْ حَالَنَا لِاحْسَنِ حَالٍ.. اللَّهُمَّ إِنَّا نَسْأَلُكَ مِنَ الْخَيْرِ كُلِّهِ - 00:49:00

بيدك. ونعوذ بك من كل شر خزائنه بيدك. وانت المستعان. وعلي - 00:49:20

عليك. انت كما اثبتت علي نفسك. اللهم انا نعوذ بك من الهم والحزن، ونعوذ بك من العجز والكسل. - 00:49:40

الارض.. اللهم اجعلنا حنذا من جندك. اللهم اجعلنا من جندك المخلصين. اللهم استعملنا لنصرة دينك يا رب العالمين - 00:50:00

سبحانك اللهم وبحمدك اشهد ان لا اله الا انت استغفرک واتوب اليک - 00:50:20